

Luven Flond Pitasch Duin

cuminonza da pastoražiun Pastorationsgemeinschaft

cun Lumnezia Sursaissa Val Sogn Pieder

plevon Albrecht Merkel Pfarrer

Uffeci parochial reformau Reformiertes Pfarramt

Via Sumvitg 19

7141 Luven

081 925 34 26

albrecht.merkel@gr-ref.ch

www.pastoraziun.ch

Nr.25 R

fevrer 2021

Caras commembras, cars commembers dallas pleivs Luven, Flond, Pitasch e Duin!

Il cudisch **Ruth** ei in dils cudischs biblicas ch'ins sa leger atras en ina gada. Quater capetels e basta. Ed igl ei bi. Igl ei in'entira raquintaziun. Cun fomaz, emigraziun – si e naven – e retuorn. Biars mieran ell'emigraziun, il trest ei datier alla ventira: La brit essend vieua tuorna anavos cull'emigrada, funda ina nova famiglia el contuorn ch'ei novs per ella, e per sia sira l'enconuschenta patria. Ei dat in ver **Happy-End**. Tgi che ha denteren bugen inaga in Happy-End, quel legia il cudisch Ruth. Mose, Josua, Derschaders, lu anfl'ins Ruth. Ni silla pagina www.pastoraziun.ch.

Tgei che fa vegnir nus frestgs ed allerts

Ella davosa brev hai jeu scret dallas gelgias e dils utschals. Jesus recumonda da prender las gelgias ed ils utschals ch'ei en lur esser senza quitaus sco agid da veser. (mt 6,26.28)

Präsidentin Luven	Präsidentin Flond	Präsidentin Pitasch	Präsident Duvin
Vrena Arpagaus	Meia Inauen	Rita Caviezel	Philipp Candrian
081 925 19 60	081 925 43 76	076 445 70 71	081 931 36 18

Jeu contemplel ils utschals e las gelgias. Avon la neiv gronda dil schaner han ils utschals cantau, sco sch’ei vegness primavera. Paucs gis pli tard ei la neiv vegnida. Aunc ina gada paucs gis pli tard raquintava mia dunna, ch’ella hagi udiu dad enzatgi: Sch’ils utschals contien aschi remarcabel duront igl unviern, vegni la neiv pér da dretg.

Jeu selubeschel d’interpretar libramein: Sche nus stuein seretrer aschi gitg, lu dat ei avon aunc in concert, che nus emblidien buca, ch’ei dat ina primavera. Quei fussen pia ils utschals.

E las gelgias? Uss selegrel jeu dalla neiv. Era sche jeu stos sbadelar, ed era sche la plevgia ha lamgniau e tartignau ella. Jeu sai, nua che las tschaguolas dallas tulipanas ein sut la neiv. Jeu vi ussa veser nuot da quei e sun leds dalla grossa cozza da neiv che cuarcia tut.

Mo discusamein patratgel jeu gia ussa vid las colurs che dierman profund ella tiara.

Aschia tegnan ils utschals e las „tulip-gelgias“ da buna luna mei.

Confirmaziun, dum. da palmas ils 28 da mars 2021 a Flond

Sche la pandemia pretenda ei, vegn la confirmaziun stuschada – cul temps savein nus co quei funcziunescha. Jeu laschel denton buca curdar la speranza, che nus savein menar atras la confirmaziun sil termin previu.

En preparaziun silla confirmaziun ein Elena Stucki, Via Runaglias 5, Fabio Camenisch Via Culpina 26, ed Enea Meyer Via Suraua 9.

Dil colloqui tier la regiun ecclesiastica

Structuras dein buca laguoter forzas, denton esser in palancau ch’effectuescha forzas.

Senza va ei buca. Memia bia discuors da structurass ei stentus.
El mument stuein nus.

Nus savein, tgei, ch'ina pleiv el liug ei. Nus savein era, ch'ei
dat ina baselgia cantunala. Denter pleiv e cantun sesanfla in
plaun d'amiez. Quel veva num tochen uss „colloqui“, quei che
munta „discuors“. El surveva al discuors.

La constituziun nova, ch'ei vegnida acceptada avon in pèr
onns, quella dat il pensum da transformar il colloqui tier la
regiun ecclesiastica. Era sut il niev num vegn ei ad esser in
impurtont aspect, da discuorer cullas pleivs cunfinontas e far
giu, sch'ins vesa enzatgei, ch'ins sa far ensemen.

Nus sco cuminonza da pastoraziun enconuschin ei buc auter:
Da mirar, nua ch'ei fa senn da luvrar ensemen.

Tumein, Favugn e Domat, pleivs, che sudevan entochen uss
tier il colloqui „sur igl uaul“, malgrad ch'ellas eran „sut igl
uaul“, fuorman da niev in'atgna regiun ecclesiastica.

Nossa nova regiun ecclesiastica schai denter Mustér, Vrin, Val
Sogn Pieder, Stussavgia e Trin.

Ina dimensiun, che nies colloqui veva gia pli baul inaga.

Il niev num savess esser „regiun ecclesiastica Surselva“. Il
num e las statutas vegnan presentadas alla votaziun ellas
pleivs.

Gi mundial d'uraziun Svizra

5 da mars 2021

19.30

baselgia Luven



Weltgebetstag Schweiz
Journée mondiale de prière Suisse
Giornata Mondiale di Preghiera Svizzera

Gabriela Goll, Ricarda Caderas e Friedrun Merkel preparan
enzatgei.

Salids cordials. Vies plevon

fevrer mars avrel 2021

ST = Sontga Tscheina

2021	Luven	Flond	Pitasch	Duin
7 da fevrer	negin	priedi		
14 da fevrer	19.00	09.30	11.00	
21 da fevrer	09.30	10.30		19.00
28 da fevrer	10.30 rom	09.30 rom		
5 da mars gi da rogaziun mundial	19.30			
7 da mars	09.30	19.00		11.00
14 da mars	negin	priedi		
21 da mars	10.30 rom	09.30 rom	19.00 rom	
28 da mars dum. da palmas	n.p.	10.30 CON- FIRMAZIUN		
2 da avrel vendergis sogn	09.30	10.30		
4 d'avrel Pastgas	10.45 ST	09.30 ST		19.00 ST
5 d'avrel gliendisgis pastgas			11.00 ST	
11 d'avrel	09.30 rom	10.30 rom		
18 d'avrel	10.30	09.30		
25 d'avrel	negin	priedi		